

FLETËUDHËZUES: INFORMACION PËR PËRDORUESIN

BRONCHOSTOP shurup për kollë

Lëndë aktive: ekstrakt i thatë i trumzës, ekstrakt i lëngshëm i rrënjës së mëllagës së bardhë

Lexojeni me kujdes këtë fletëudhëzues përpara se të nisni përdorimin e këtij bari sepse përmban informacion të rëndësishëm për ju.

- Ruajeni këtë fletëudhëzues. Mund të keni nevojë ta lexoni përsëri.
- Pyesni farmacistin tuaj nëse keni nevojë për më shumë informacion ose këshilla.
- Nëse keni ndonjë efekt anësor, bisedoni me mjekun ose farmacistin tuaj. Kjo përfshin çdo efekt anësor të mundshëm që nuk është i shënuar në këtë fletëudhëzues. Shihni seksionin 4.
- Duhet të flisni me mjekun nëse nuk ndiheni më mirë ose nëse ndiheni më keq pas 5 ditësh

Çfarë përmban ky fletëudhëzues:

1. Çfarë është *BRONCHOSTOP shurup për kollë* dhe për çfarë përdoret
2. Çfarë duhet të dini përpara se të përdorni *BRONCHOSTOP shurup për kollë*
3. Si merret *BRONCHOSTOP shurup për kollë*
4. Efekte të mundshme anësore
5. Si ruhet *BRONCHOSTOP shurup për kollë*
6. Përbërësit e paketimit dhe të dhëna të tjera

1. Çfarë është *BRONCHOSTOP shurup për kollë* dhe për çfarë përdoret

Bar bimor tradicional për të lehtësuar irritimin e fytit dhe për të promovuar ekspektorimin e mukusit të trashë në kollën e shoqëruar me ftohje.

Produkti është një bar bimor tradicional i regjistruar për t'u përdorur në indikacionet e specifikuar, bazuar vetëm në përdorimin e gjatë.

Duhet të flisni me një mjek nëse nuk ndiheni më mirë ose nëse ndjeheni më keq pas 5 ditësh.

2. Çfarë duhet të dini përpara se të përdorni *BRONCHOSTOP shurup për kollë*

Mos përdorni *BRONCHOSTOP shurup për kollë*

• nëse jeni alergjik ndaj lëndës (ve) aktive , ndaj anëtarëve të tjerë të familjes Lamiaceae ose ndonjë prej përbërësve të tjerë të këtij bari (të listuar në seksionin 6).

Përkujdesje dhe paralajmërime

Kontaktoni me mjekun ose farmacistin përpara se të përdorni BRONCHOSTOP shurup për kollë. Në rast temperature, vështirësi në frymëmarrje ose sekrecione purulente, duhet të këshilloheni me mjekun.

Përdorimi te fëmijët nën 4 vjeç nuk rekomandohet për shkak të mungesës së të dhënave dhe për shkak se duhet kërkuar këshilla mjekësore.

BRONCHOSTOP shurup për kollë **nuk** duhet të administrohet tek pacientët me varësi të alkoolit. **Kujdes** kërkohet me gratë shtatzëna ose ato me fëmijë në gji, fëmijët dhe grupet e rrezikuara si pacientët që vuajnë nga sëmundje të mëlçisë ose epilepsi.

Barna të tjerë dhe BRONCHOSTOP shurup për kollë

Ju lutem informoni mjekun ose farmacistin tuaj nëse jeni duke marrë / përdorur, keni marrë kohët e fundit / përdorur, ose keni ndërmend të merrni / përdorni barna të tjerë , duke përfshirë edhe ato pa recetë mjeku.

Asnjë ndërveprim me barna të tjerë nuk është i njohur.

Shtatzënia dhe ushqyerja me gji

Në mungesë të të dhënave të mjaftueshme, përdorimi gjatë shtatzënisë dhe ushqyerjes me gji nuk rekomandohet.

Nëse jeni shtatzënë apo gjatë ushqyerjes me gji, dyshoni se mund të jeni shtatzënë ose jeni duke planifikuar për të mbetur shtatzënë, pyesni mjekun ose farmacistin tuaj për këshilla para se të merrni këtë bar.

Aftësia për të drejtuar automjetin dhe përdorimi i makinerive

Asnjë studim mbi efektet në aftësinë për të drejtuar dhe për të përdorur makineri nuk janë kryer.

Informacione të rëndësishme rreth disa prej përbërësve të *BRONCHOSTOP shurup për kollë*

- Shënim për diabetikët : Një dozë (5 ml) përmban 1,75 g sakarozë, që korrespondon me përafërsisht 0.15 njësi karbohidrate (CU). Kjo duhet të merret parasysh në pacientët me diabet mellitus.

-Alkooli: Ky bar përmban 285 mg etanol për 5 ml. Përmbajtja e alkoolit të një doze individuale për të rritur dhe adoleshentë nga mosha dymbëdhjetë vjeç korrespondon me 14,36 ml birrë dhe 5.98 ml verë. Përmbajtja e alkoolit në një dozë individuale për fëmijët e moshës midis katër dhe

dymbëdhjetë vjet korrespondon me 7.18 ml birrë dhe 2.99 ml verë. (shiko seksionin 2 Paralajmërimet dhe masat paraprake).

-Konservantët : BRONCHOSTOP shurup për kollë përmban si konservues metil-4 hidroksibenzoat dhe propil-4-hidroksibenzoat. Këto mund të shkaktojnë reaksione alergjike të cilat gjithashtu mund të shfaqen si një reagim i vonuar (shiko "Mos e merrni shurupin e kollës BRONCHOSTOP ").

3.Si të merrni *BRONCHOSTOP shurup për kollë*

Gjithmonë merrni këtë bar pikërisht siç përshkruhet në këtë fletëudhëzues ose si jua ka përshkruar mjeku ose farmacisti juaj . Kontrolloni me mjekun ose farmacistin tuaj nëse ju nuk jeni të sigurt.

Doza e rekomanduar është:

Të rriturit dhe adoleshentët mbi 12 vjeç:

10 ml çdo 3 orë deri në 6 herë në ditë; doza maksimale ditore deri në 60 ml.

Fëmijët nga 4 - 12 vjeç:

5 ml çdo 3 orë deri në 6 herë në ditë; doza maksimale deri në 30 ml.

Fëmijët më pak se 4 vjeç:

Përdorimi te fëmijët nën 4 vjeç nuk rekomandohet për shkak të mungesës së të dhënave dhe për shkak se duhet kërkuar këshilla mjekësore.

Metoda e administrimit:

Për përdorim oral.

Merrni *BRONCHOSTOP shurup për kollë* të pa holluar, duke vendosur dozën e lartpërmendur në tapën matëse e cila ka një shkallëzim prej 2,5 ml deri në 20 ml.

Në qoftë se e keni të nevojshme , ju mund të merrni *BRONCHOSTOP shurup për kollë* të holluar në ujë ose çaj të ngrohtë.

Kohëzgjatja e administrimit:

Vetë-mjekimi me *BRONCHOSTOP shurup për kollë* duhet të kufizohet në 5 ditë. Nëse deri atëherë mos ketë ndodhur ndonjë përmirësim domethënës, ju duhet të vizitoni një mjek, pasi një sëmundje më serioze mund të jetë e pranishme.

Nëse ju keni marrë më tepër *BRONCHOSTOP shurup për kollë* se sa ju duhet

Nëse keni marrë një mbidozë të konsiderueshme të këtij bari, simptomat e njohura të efekteve anësore mund të ndodhin më intensivisht. Në këtë rast, ju lutemi njoftoni mjekun tuaj. Nëse është e nevojshme, ai / ajo mund të marrë një vendim mbi masat e kërkuar.

Nëse ju harroni të merrni *BRONCHOSTOP shurup për kollë*

Mos merrni një dozë të dyfishtë për të kompensuar dozën e harruar.

Nëse keni ndonjë pyetje tjetër mbi përdorimin e këtij bari, pyesni mjekun ose farmacistin tuaj.

4. Efektet anësore të mundshme

Si të gjitha barnat e tjerë, ky bar mund të shkaktojë efekte anësore, megjithëse jo të gjithë i shfaqin ato.

Reagime të mbindjeshmërisë si dhe çrregullime në stomak janë vërejtur në lidhje me barnat që përmbajnë trumzë. Frekuenca e shfaqjes nuk dihet.

Raportimi i efekteve anësore

Nëse vëreni ndonjë efekt anësor, bisedoni me mjekun tuaj ose farmacistin. Kjo vlen edhe për efektet anësore të cilat nuk janë shënuar në fletëudhëzues.

Ju gjithashtu mund të raportoni efektet anësore direkt nëpërmjet sistemit kombëtar të raportimit:

Bundesamt für Sicherheit im Gesundheitswesen
Traisengasse 5
1200 VIENNA
AUSTRIA
Fax: + 43 (0) 50 555 36207
Website: <http://www.basg.gv.at/>

Nga raportimi i efekteve anësore, mund të kontribuoni duke siguruar më shumë informacion mbi sigurinë e këtij bari.

5. Si të ruhet *BRONCHOSTOP shurup për kollë*

Mos e ruani mbi 25 ° C.

Shishja ruhet në paketimin origjinal, në mënyrë që përmbajtja të mbrohet nga drita.

Mbajeni këtë bar në vende që nuk shihen dhe nuk arrihen nga fëmijët.

Mos e përdorni këtë bar pas datës së skadencës ("Përdoret deri:") e shënuar në kutinë e jashtme të kartonit. Data e skadimit i referohet ditës së fundit të muajit të shënuar.

Mbylleni mirë shishen pas përdorimit. Pas hapjes së shishes, përdorni përmbajtjen brenda 4 javësh.

Mos i hidhni barnat nëpërmjet ujërave të zeza apo mbeturinave shtëpiake. Pyesni farmacistin si duhet të hidhni barnat në qoftë se ju nuk i përdorni më ato. Kështu mund të kontribuoni në mbrojtjen e mjedisit.

6. Përmbajtja e paketimit dhe informacione shtesë

Çfarë përmban *BRONCHOSTOP shurup për kollë*

Lëndë aktive janë :

5 ml (= 5.7 g) shurup përmban: 0.77 g ekstrakt I lëngshëm i trumzës (raporti -ekstrakt = 1: 2 - 2.5, ekstraktim i tretësirës së amonjakut 10% (m / m): glicerinë 85% (m / m): etanol 90% (V / V): ujë në një raport prej 1: 20: 70: 109) 0,66 g ekstrakt i lëngshëm i rrënjës së mëllagës së bardhë (raporti i barit-ekstrakt = 1: 20, agjent estratimi : ujë)

Përbërësit e tjerë janë:

Lëngu i mjedër, acid askorbik, saharozë, metil-4-hidroksibenzoat, propil-4hidroksibenzoat, etanol, ujë i pastruar.

Si duket *BRONCHOSTOP shurup për kollë* dhe përmbajtja e paketimit

BRONCHOSTOP shurup për kollë është një tretësirë me ngjyrë të kuqe kafe, viskoze për përdorim nga goja me aromën dhe shijen e trumzës dhe mjedrës. Shurupi mbushet në shishe qelqi ngjyrë kafe me kapak të mbyllur , në madhësi 150 ml. Kupa matëse me shallëzi nga 2.5 ml deri ne 20 ml lehtëson matjen e saktë të dozës së rekomanduar.

Kompania farmaceutike dhe prodhuese

KWIZDA Pharma GmbH, A-1160 Vienna

www.bronchostop.at

Reg. no.: HERB-00086

Ky fletëudhëzues është rishikuar për herë të fundit në Nëntor 2016.